

御選元詩卷第三十一目錄

七言古詩八

陳顯曾一首

程文一首

鄭元祐四首

曹文晦三首

卞思義一首

陸德源一首

瞿智一首

趙渙一首

聶鏞一首

御選元詩

卷三十一

目錄

毛南翰一首

陳高二首

甘立一首

高明一首

王冕十七首

張天英三首


郭翼三首

張世昌六首

何儒行一首

朱斌一首

李澗一首



黃公望三首

吳鎮十首

黃鎮成二首

李存三首

胡天游三首

張師曾一首

梅致和一首

何景福二首

項炯一首

潘純一首

唐登四首

御選元詩

卷三
目錄

沈鉉一首

沈存一首

陸侗一首

林彥華二首

汪澤民一首

鄭玉一首

蔡廷秀一首

潘伯修一首

李祁一首

陳麟一首

龔友福一首

陳基六首

張憲三首

陳秀民二首

蘇大年一首

方行一首

御選元詩

卷三

目錄

三

御選元詩卷第三十一

七言古詩八

陳顯曾

題溪山勝槩樓

江南二月羅衣裳藤花滿地山雲香背人小燕撇波去
朱簾白日遊絲長蒲茸綠淺芹牙紫沙上輕煙濕飛雨
美人遥睇木蘭船一夜相思隔春水

程文

送文仲德之臨洮帥府經歷

吾聞洮州綠石堪爲硯能淬筆鋒如淬劍地靈大寶愁
鬼工埋沒塵沙羞自獻羌童目悍手足鮮掛弓走馬惟
御選元詩 卷三十一 陳顯曾 程文 鄭元祐 一
臨邊雄藩今巖烽燧息鼓角晝靜旌旗懸幕官性文不
好武要使西羌化東魯詩書埋案夜生輝親寫封章上
天府豪猪之靴青兕裘時平不願萬戶侯但得洮州綠
石硯歸來泚筆立螭頭

鄭元祐

姑蘇臺

城西高臺高百尺傳是吳王舊遊迹百花正開西子醉
明月芳洲照清夕嬌顏如花醉王側城上烏啼曉星白
歌鼓聲消醉未消越王已將兵來朝縱金撾鼓殷天地
兵敗可復棲夫椒吳人遺恨化潮汐暮往朝來箭涇直
不然自可君甬東何用蕭蕭馬嘶驛

漁莊

濠上春晴花朵朵施周強知魚與我爭如顧循讀書倦
馭沓浪花宵鼓柁船頭列炬船尾唱繩擲如雲灑水上
并刃斫雪鱸縷飛拍拍茆柴薦新釀莊上東風柳欲綿
鯉魚吹浪迎歸船由來名教有樂地看書却埽消殘年

東坡赤壁圖

奎星墮地不化石化作盤天老胸臆清禁森嚴著不得
半夜吹簫過赤壁百億魚龍不敢聽萬古東流月華白
送性僧遊徑山

憶昔苔溪登徑山童孩無識空躋攀但見五峰削玉倚

天外兼聞衆木夏樂下雲間振威何人喝石裂行脚有

御選元詩

卷三

鄭元祐

曹文晦

二

僧挑月還神龍依禪井水立杜鵑啼血春花殷孤煙中
分白窈窕一雨忽洗青屏顏何時復至舊遊處行蹤應
有蒼苔斑願從師去不可得起看蘿月空彎彎

曹文晦

書所見

柳黃鶴袖桃花蓑釵梁矚金光射人顏如花紅語如燕
氣態直與春爭新出門心事多於草愁滿雙蛾爲花惱
昨夜春風風破碧桃過眼春光二分老爲誰微步過垂楊
臨水插花青鬢光回頭貪看雙蝴蝶不意前逢馬上郎

宿水車田舍

水車山前溪月白去年曾作寒夜客主翁圍坐竹爐紅

老姥燒茶多喜色今年又宿鄰西家柴門臨水竹交加
眼前風物總如舊只有疎籬梅未花平生到處多清興
聊對沙鷗發新詠明年強健又重來沙鷗笑我胡爲哉

題筠軒友竹詩卷

有竹無人辜負竹有人無竹令人俗二者如何可得兼
惟有君家清意足君家竹圍青玉城君家有人冰雪清
幅巾相對弄明月是人竹俱忘形東鄰種桑富紈綺
西鄰種花蜂蝶聚豈無紅袖引壺觴那得詩人叩門戶
詩人愛竹如愛賓娟娟秀色詩爭新君當開徑掃白雲
相逢不是塵埃人

卞思義

御選元詩

卷三

曹文晦

卞思義

陸德源

三

溪山春雨圖

野人結屋臨溪上溪上白雲生壘嶂城中車馬自紛紜
朝聽樵歌暮漁唱雲林靉靄春日低小橋流水行人稀
桃花落盡春何處風雨滿山啼竹鷄

陸德源

送陳敬初秀才北上

江南八月鴻雁飛故人挾策遊京師爲郎作傳雖可期
老懷與爾寧分違憶昨同舟風雨夕胥江委蛇嚴灘白
紫陽之山千里隔何曾笑我微官縛歸來吳城剛半年
攬袂結佩仍周旋陳膠漆非偶然拍肩笑語忘其顛
秋風蕭蕭吹去舟征衣蓐食還依劉芙蓉照波生遠愁

欲別未別難爲留玉堂金闕有耆舊草詔紬書常在手
乘時薦剡如轉丸兀兀兔園非所守子之行兮良不苟
瞿智

賦得姑蘇臺送周仕宣南臺典史

高臺鬼鬼插天起勢壓雄城三百里雲窓霧閣迷絳煙
日日吳王醉西子桂膏蘭燼燒春雲錦絲瑤管空中聞
甲兵重來破歌舞粲齒脩眉散如雨雙鉤帶血不敢飛
城荒草碧春風吹祇今惟有臺前月曾照吳宮花發時
慷慨悲歌歎陳迹霜烏怨啼霜葉赤明朝送客過鍾陵
西望茫茫五湖白

趙煥

御選元詩

卷三

陸德源

瞿智

趙煥

聶鏞

四

暇日同仲穆諸公遊道場山和東坡韻

道場山深美林麓坡老文章照巖谷簿書休暇得良朋
載酒幽尋歡意足朝寒嵐重陰漫漫石頭路滑青屈盤
仰瞻孤塔倚島漢俯聽絕壑鳴飛湍老僧愛客煮茗出
誓與閒雲分半席自言住山八十年夾道長松手親植
家人好事攜歌鬟爲予嘯傲泉石間壺觴到處即傾倒
何必西湖與東山郡圃花開少晴且屈指春光已過半
百年行樂能幾何爛醉芳時莫長歎

聶鏞

題碧梧翠竹堂

青山高不極中有仙人宅仙人築堂向蹊路鶯啼花落

迷行跡翠竹羅堂前碧梧置堂側窓戶隨疎陰簾帷卷
秋色仙人紅顏鶴髮垂脫巾坐受涼風吹天青露葉淨
如洗月出照見新題詩仙人援琴鼓月下枝上棲烏絃
上語空階無地著清商一夜琅玕響飛雨

毛南翰

竹陣圖

坡翁胸次何礫砢雜還千矛攢萬筥一生長爲竹寫神
落紙箕箒森可把青雲糾糾曉相歷蒼雪紛紛畫仍隨
長鎗磨戛颯陸沉細甲鈎連紐青鎖此幅分明作陣圖
左右中堅皆勇果正如絳侯翦諸呂麾下健兒齊袒左
又如赤壁走阿瞞一炬怒塵黃蓋火囊沙壅水待半渡

御選元詩

卷三

畫譜

毛南翰

五

摩壘斬關知彼我此君意氣有如許詎可奔北降老可
金蓮道人亦好事遠遊愛鼓滄浪柁斛珠不買青樓娼
博取歸來云頗頗敲門拄杖棄不用硯几書屏邀對坐
客來無詩不與語琢腎雕肝誰得罷一朝去主芙蓉城
付與郎君重封裏我來愧在作者後品畫題詩忘縷瑣
周彝商鼎篆奇譎趙壁隋珠光璀璨摩挲病眼拂卷素
玉節金枝紛婀娜雨中三日不出門四客相看足如跛
就中兩客程與陳吐辭清新曾帖妥回頭動是三十霜
快讀令人夷坎壈長潘短李炳貂豹紫巖汶陽嗔果羸
我詩乞與作衙官擲筆亂峰青朶朶

陳高

山中讀書圖

遠山如藍近山綠前門蒼松後門竹幽人讀書棲石根
有客拏舟訪溪曲白雲冉冉落虛窓清風泠泠散飛瀑
林泉深處隔紅塵便欲相依結茅屋

題太白納涼圖

六月炎天飛火烏土焦石爍河流枯邇來衰病更畏熱
呼叫欲狂揮汗珠飲冰嚼藕廢朝夕小室如爐眠不得
閒將圖畫懸四壁漫想深山好泉石就中此圖尤絕奇
青林飛瀑吹涼颺何人展席坐蒼蘚乃是謫仙初醉時
露頂裸裎投羽扇仰看雲生白成練松陰如雨毛骨寒
豈識人間祥促倦祇今匡廬道阻脩雁蕩天台近可遊
御選元詩

卷三

陳高

甘立

高明

六

便欲致身丘壑裏挂巾石壁繼風流

甘立

有懷玉文堂

眉山老仙丹丘生三日不出風雨驚玉文深沉發奇秘
天藻動盪流芳英錦鱗行酒白晝靜金鴨焚香長夜清
秋深病久不得住撫卷悵望難爲情

柯敬仲有玉賢書黃庭內景經因以玉文名堂奎章

學士虞伯生製文
虞亦有天藻亭云

高明

題支離叟

錢塘門裏支離叟短髮蕭疎色鰲垢雪霜歲晚結輪囷
風雨年深增老醜挫葳糊緝總無能欲與冥靈齊上壽

天公怒此怪且嬾，敕遣靈官下搜取。勾婁吉利忽飛來，
虎倒龍顛盡灰朽。女蘿飄騰白鶴去，琥珀迸裂青羊走。
繁陰已逐謝仙車，枯榦徒存韋偃手。邇來好事猶痛惜，
歎息形模無復有。寧知百年皆夢幻，靜看萬變互紛揉。
榮枯相尋無已時，成壞有數元非偶。南山誰信梓花特，
昆崙俄驚柳生肘。朝菌何曾閱晦朔，棫樸那知避薪樗。
全軀孰似櫟社樹，絮之百圍今在否。人生根蒂不可牢，
況爲草木計。近久野客空歎倚江柵，老奴謾泣琅琊柳。
寒煙落日西湖邊，衰草荒廬園數畝。不見當時鐵門限，
春蚓秋蛇徒蚴蟻。元雲飛盡墨池空，直寄亭前誰酌酒。

王冕

御選元詩

卷三

高明

王冕

七

水仙圖

寒風蕭蕭月入戶，渺渺雲飛水仙府。仙人一去不知所，
池館荒涼似無主。江城歲晚路途阻，解后相看顏色古。
環珮無聲翠裳舞，欲語不語情悽楚。十二樓前問鸚鵡，
滄海桑田眯塵土。王孫不歸望湘浦，芳草連天愁夜雨。

棠梨白練圖

芙蓉香冷簫聲杳，月淡煙清楚宮曉。仙禽不語雪衣輕，
相逢却恨秋風早。土花翠淺霜露蒙，山梨小結丹砂紅。
玉人醉倒不知處，夢回故苑朝雲濃。

秋山圖

前年放船九江口，秋風獵獵吹蒲柳。買魚沽酒待月明，

不知江上青山走三更吹笛欲喚人溥溥白露侵衣巾
故鄉遙遙書斷絕空見過雁如飛雲去年却下七里灘
秋水滿江秋月寒子陵先生釣魚處荒臺直起青雲端
先生不受漢廷官自與山水相桓盤至今高節敦廉頑
清風凜凜誰能攀泊舟登岸行復止小徑分岐通草市
石林掩映樹青紅正與今年畫相似茅廬半住林木裏
白狗黃鷄小如蟻翁媪無言童穉閒可是太平風俗美
清谿水落魚蟹新東鄰釀熟呼西鄰相牽相把意思真
親密不異朱陳民李端筆力乃巧妙寫我舊日經行到
豈是老夢眩水墨不覺掀髯發長嘯殷家大樓滄江頭
留我十日風雨秋觸景感動客邸愁便欲卜築山之幽

御選元詩

卷三

王冕

八

斷橋流水無人處添種梅花三百樹直待雪晴冰滿路
騎驢相逐尋詩去

題申屠子迪篆刻卷

重刻嶧山秦碑二
石於紹興路學

我昔聞諸太古初馮翊宦官安可摹自從庖羲得龍馬
奇偶變化滋圖書結繩之政由此段科斗鳥迹紛紜起
後來大小二篆生周稱史籀秦誇李只今相去幾百年
字體散漫隨雲煙岐陽石鼓土花蝕嶧山之碑野火然
縱有秦銘刻岑石冰消雪剝無蹤跡書生好學何所窺
每展史編空歎息樊山先生東魯儒好古博雅耽成癡
八分小篆純古法鑿石置之東南隅白日光芒爭照耀
滿城走看嗟神妙向來傳寫何足珍棗木空遺後人誚

徐公手摹烽火塵金陵近刻殊失真那知此本意態淳
丞相李斯下筆新申屠墨莊有傳授法度森嚴非苟苟
豈爲後學得所師萬世千秋垂不朽

寄太素高士

我昔扁舟上耶溪尋君直過丹井西長松月冷啼子規
春風滿地芳草齊樓殿玲瓏金碧涌鐘聲不出松雲重
老猿掬澗山影亂翠禽啄露巖花動此時相見不作難
握手笑上松花壇壇下十萬青琅玕空陰漠漠常風寒
我對青山論今古青山茫茫無一語知其與我忘爾汝
石瓢酌我雲根乳冷然使我肝膽清飄裾欲度浮雲輕
千峰回影陷落日萬壑欲盡松風聲回首谿山忽成別
御選元詩 卷三十一 王冕 九

息齋雙竹圖

李侯畫竹真是竹氣韻不下湖州牧墨波翻倒徂徠山
筆鋒移出篔簹谷千竿萬竿清影遠百丈十丈意自足
就中分取一兩枝別是山陰瀟灑族疎梢颯颯鳳尾顛
修幹隱隱虬龍伏憑軒忽若秋風來坐使旁人脫塵俗
我生愛竹太僻酷十載狂歌問淇澳歸來不得翠琅玕
聽雨冷眠溪上綠而今已斷那時想見景何曾動心目
便欲爲君真致之相對空窓慰幽獨

吹簫出峽圖

巔崖峭絕撐碧空倒挂老松如老龍奔流落峽噴白雪
石角險過百丈洪我昔放舟從此出牽柁失勢氣欲折
春風回首三十年至今認得山頭月草堂清晨看圖畫
畫裏之人閑似我波濤洶湧都不知橫簫自向船中坐
酒壺茶具船上頭江山滿眼隨處遊安得更喚元丹丘
相攜共上黃鶴樓

梅花三首

疎枝錯落花燦爛正似推篷谿上看凍痕不剝五更霜
蘚色猶存百年榦孤山處士詩夢寒羅浮仙人酒興闌
天荒地老行路難誰傳春色來人間君不見江南物色

御選元詩

卷三

王冕

十

今非昔大谷長林盡荆棘寒何處論襟期坐對雲山
空歎息東樓女兒白苧歌西樓美酒喚杏花總有高人
愛高潔踏雪誰肯來山家老我無能慣清苦寫梅種梅
千萬樹霜清月白夜更長每是狂歌不歸去只今潦倒
霜鬢垂世情雜雜俱忘機讀書寫字兩眼眇斷白搔隨
隨花飛轉首江南隔塵土白月流光雙鶴舞一聲羌管
過南樓鐵石心腸亦淒楚安得喚起陳元龍長船滿載
玻瓈紅浩歌拍拍隨春風大醉驚倒江南翁

江南十月天雨霜人間草木不敢芳獨有溪頭老梅樹
面皮如鐵生光芒朔風吹寒珠蕾裂千花萬花開白雪
鬚髯蓬萊羣玉妃夜深下踏瑤臺月銀鐺冷冷動清韻

海煙不隔羅浮信相逢共說歲寒盟笑我飄流霜滿鬢
君家秋露白滿缸放懷飲我千百觴興酣脫帽恣盤礴
拍手大叫梅花王五更窓前博山冷么鳳飛鳴酒初醒
起來笑抱石丈人門外白雲三萬頃

昔年曾踏西湖路巢居閣上春無數雪晴月白最精神
瑪瑙坡前第三樹虬枝屈鐵交碧苔疎花暝迸珍珠胎
初擬羣仙下寥廓瓊璫玉珮行瑤臺又疑幽人在空谷
滿面清霜鬢華綠迎風冷笑桃花紅紫紛紛太粗俗
今年來看秦淮水路隔西湖一千里草堂上是白雲窩
夜半松風喚予起青山隔世無遊塵雲根粉壁光如銀
長嘯一聲月入戶孤山處士來相親江南梅花自有主
御選元詩

卷三

王冕

十一

休問當年何水部山僧對我默無語柏子無風隨青雨
關河雪霽圖爲金陵王與道題

飛沙羃人風隨幘老夫倦作關河客歸來松下結草廬
卧聽寒流雪山白悠悠如此四十年世情脫畧忘間關
今晨見畫忽自省平地咫尺行山川鳥道連雲出天陰
玉樹瓊林光閃閃陰崖絕壑望欲迷冰花歷落風悽慘
枯槎側側銀河開三巴春色隨人來漁翁舟子相笑語
不覺已過洪濤堆谿回浦瀟石齒齒谿上人家成草市
長林大谷猿鳥稀小步蹇驢如凍蟻西望太白日色寒
青山削出蛾眉山人生適意隨所寓底須歷涉窮躋攀
明朝覽鏡成白首春色又歸江上柳何如高堂掛此圖

浩歌且醉金陵酒

趙千里夜潮圖

去年夜渡西陵關待渡兀立江上灘灘頭潮來倒雪屋
海面月出行金盤冰花著人如撒霰過耳斜風快如箭
叫霜鴻雁零亂飛正似今年畫中見寒煙漠漠天冥冥
展玩陡覺心神清便欲吹簫騎大鯨去看海上三山青

題夏迪雙松圖

我昔曾上五老峰白雲盡處看青松中有兩樹如飛龍
正與夏迪畫者同夏迪畫松得松趣箇箇乃是廊廟具
貞固不特凌霄霜偃蹇猶能吐煙霧蒼髯獵獵如有聲
鐵甲半掩苔花青六月七月炎火生對此似覺形神清
御選元詩 卷三十一 王冕
文人兀坐誠有道豈比商山采芝皓有琴有琴不須彈
而今世上知音少

送无咎遊金陵兼簡丁仲容隱君

長松撼空風怒號門前大水推斷橋山中坐雨六十日
不知野草如人高今晨出門天氣好眨眼忽驚春事老
楊花散作雪滿谿送客俄然動懷抱金陵六朝古帝都
古時風景今如何珊瑚無根土花碧露團玉樹生流珠
江山無人隔塵土丹鳳不來孤燕語上人脫灑無滯留
底用登臨重懷古世人往往乘險機老我白髮無能爲
道甫問訊丁令威有鳥有鳥何時歸

蘭亭

東晉風流安在哉，煙嵐漠漠山崔嵬。衰蘭無苗土花盛，
長松落雪孤猿哀。滿地紅陽似無主，春風不獨黃鸝語。
當時諸子已寂寥，真本蘭亭在何許。歛簷老樹綠女蘿，
頽崖斷壁青相磨。舊時觴咏行樂地，今朝魚鼓瞿曇家。
荒林晝靜響啄木，流水潺湲遶山曲。遊人不來芳草多，
習習餘風度空谷。去年載酒誦古詩，今年拄杖讀古碑。
年年慷慨入清夢，何事俯仰成傷悲。故人不見天地老，
千古谿山爲誰好。空亭回首獨淒涼，山月無痕修竹少。

題墨梅圖

朔風吹寒冰作壘，梅花枝上春如海。清香散作天下春，
草木無名藉光彩。長林大谷月色新，枝南枝北清無塵。

御選元詩

卷三

王冕

三

廣平心事誰與論，徒以鐵石磨。乾坤歲晚燕山雲，渺渺
居庸古北無人到。白草黃沙羊馬羣，瓊樓玉殿煙花繞。
凡桃俗李爭芬芳，只有老梅心自常。貞姿燦燦眩冰玉，
正色凜凜欺風霜。轉身西冷隔煙霧，欲問逋仙杳無所。
夜深湖上酒船歸，長嘯一聲雙鶴舞。

題月下梅花

平生愛梅頗成癖，踏雪行穿一雙屐。六花散漫飛滿空，
千里萬里同一色。衝寒不畏朔風吹，乘興來此江之湄。
繁花滿樹梅欲放，彷彿羅浮曾見時。南枝橫斜北枝好，
北枝看過南枝老。中有一枝更奇絕，萬蕊千葩弄天巧。
老夫見此喜欲顛，載酒大酌梅花仙。仙人怪我來何晚，

一別已是三千年醉來仰面卧深雪夢挾飛瓊上天闕
酒醒起視夜何其老烏啼殘半江月

張天英

題趙子固墨水仙

青竹珠簾人似玉霧鬢風鬟綴靈粟一吹誤翻金巨羅
香濕羣仙翠樺燭龍國朝回八風舞鳳池醉度凌波曲
瑤瑟雙歌李白詞馮夷捧出蘭縑綠

題凌波飛蓋圖

蕊珠宮人駕雲駟山中翠蓋何亭亭老龍飛蓋作風雨
八仙池上爭娉婷金環瓊珮裏薇露雙成躡隋青鸞翎
酒星入水化為石寒玉夜語天泠泠白瑤城闕三萬里
御選元詩 卷三 王冕 張天英

十四

月照影娥行洞庭

玉山佳處

玉山有佳處迺在崑崙西蓬萊數峰小上與浮雲齊雲
中飄飄五色鳳只愛碧梧枝上棲芝草琅玕滿元圃羣
仙共躡青雲梯太湖三萬六千頃水水流入桃花溪溪
頭浣花如濯錦百花潭邊浮紫泥紫皇拜爾山中相閒
把絲綸草堂上漁莊一釣得龍梭龍女吹簫書畫舫西
風玉樹金粟飛東風柳浪金波漾歲歲年年樂事多綠
野平泉何足尚十二樓前看明月太乙明星夜相訪酌
霞觴瑤臺露濕芙蓉裳我亦桃源隱居者握手一笑三
千霜

郭翼

白雲母

青田生鶴子隨母青田飛母飛向天去元裳縞其衣千
年歸來華表鶴鶴雛悲鳴西日落好將商墓寺前雲飛
還直過青山郭

美人圖

鬱金殿前楊柳新長門草色春復春下階微微動香步
波影晴光流素塵翠釵蜻蜓凋玉佩攬髻迴風舞羣帶
合歡花落無好枝伯勞單飛鶯亂啼玉音夜夜宮車絕
露點蒼苔怨明月

書聲齋詩爲姚子章賦

御選元詩

卷三

郭翼

張世昌

五

幽人一室開風露坐想瀛洲玉爲署把書夜誦秋滿空
徘徊花影蟾蜍樹蓮葉艇子風泠泠大乙夜照藜火青
笙簧萬耳洗不醒謬哉太音誰得聽

張世昌

五洩山

兩崖鏡天不容舳玉龍噴壑翻雲濤冰山淥下白石碎
雪浪捲起銀臺高天風吹寒草木凍六月飛霜灑陰洞
青蛇跳出一線長赤口傾波渴雲夢雲奔雷激趨羣靈
天關咫尺通幽冥巖頭好借一勺水六合盡洗塵埃清

玉女洞

星官何年遊太清飛來化作高崖青天地無心蘊精巧

造化有迹通幽靈神剗鬼鑿妙鐫削瑤臺清水出萬壑
劍光穿斗射龍文元氣蟠空孕西角東南宇宙煙濛濛
卞和夜泣空山中何人更施補天手爲我獻入明光宮

洞巖山

石樓突兀開仙宮海上駕出金鰲峰龍窩久蟄雲霧冷
蟻穴或作王侯封嵌空深入九地底虛壑颺颺朔風起
冰絲有淚泣鮫珠碁局無聲敲玉子六丁鑿斧光精瑩
我欲鏟破陰崖扃火輪飛出天鷄鳴萬國同照陽烏明

家公萬柳堤

會稽西南山萬岑西來水多愁太陰長鯨翻身海底出

家侯築堤留至今家侯之功何可及汙邪如雲萬家邑

御選元詩

卷三十一

張世昌

六

翡翠煙收穀雨晴鯉魚風起鯨波發道傍古木鐫遺銘
千古萬古存幽靈百川無停功不息東望禹穴雲山清

靈女臺

靈女臺前草深尺靈女幽姿化爲石石室深藏羽蓋青
玉衣半染苔痕碧巖頭雨氣秋紛紛夢魂不作陽臺雲
飛行宇宙星霧濕呼吸造化風雷奔丈夫意氣真自許
女子英靈亦千古更須爲刻卮鄴詞不獨中郎誇幼婦

鼓吹峰

清都廣樂聞瑤京鼓吹自作天機鳴八龍逶迤九鳳舞
珠樓貝闕秋冥冥航塢之山起寥廓天人啓闔泄關鑰
風簫雨瑟煙霧寒天上時聞鼓天樂鳳凰一去三千秋

唐虞世遠夔龍愁航塢山頭跨白鶴我欲與爾鈞天遊
何儒行

興嶺汪公仲雲松樓

黃山插天紫翠浮三十六峰明素秋奇秀蜿蜒結興嶺
嵐光晴擁雲松樓樓中主人愛山色閒居不爲軒冕求
松林雲去松自綠雲來松林雲滿谷主人看松卧雲屋
靜聽松風清可掬君不見歲寒貞松飽雪霜材大青雲
成棟梁

朱斌

題趙彥徵畫

玉堂學士之孫子文雅風流世無比漚波亭上客闌時

御選元詩

卷三

何儒行

朱斌

李澗

七

戲寫吳興好山水遠山疑是弁山青近山金蓋與雲平
兩峰翠峙勢如削中有滉漾雙溪清溪上村村桑柘綠
橋下修林覆茅屋春風酒熟鷄豚肥野老過從少拘束
邇來風塵十載餘可憐樂土皆丘墟只今獨有苔溪上
有水有山如此圖吾生頗識山林趣按圖擬問田園計
何時長嘯來山中與君放曠人間世

李澗

陳知州子侍父歸賦此以贈

白日上漢臯落葉鳴蕭蕭之子遠行邁相送城南橋橋
頭涼風動踈柳車蓋搖搖赴京口而翁太守予交久惜
別青山入樽酒黃花未放秋不知雁影空江暮回首後

夜相思山月明湛盧神劔蛟龍吼

黃公望

王摩詰春溪捕魚圖

春江水綠春雨初好山對面青芙渠漁舟兩兩渡江去
白頭老漁爭捕魚操篙提網相兩兩慎勿江心輕舉網
風雷昨夜過禹門桃花浪暖魚龍長我識扁舟垂釣人
舊家江南紅葉村賣魚買酒醉明月貪夫狗利徒紛紜
世上閒愁總不識江草江花俱自適歸來一笛杏花風
亂雲飛散長天碧

題倪雲林贈耕雲東軒讀易圖

君家書屋鎖閒雲庭前叢桂吹清芬東軒虛敞坐涼夜
御選元詩

卷三

黃公望

六

撲簾香霧來紛紛金吹不動露華潔月裏仙人降瑤節
奇葩點綴黃金枝靈種移來白銀闕秋林瀟灑秋氣清
千竿脩竹開前楹自是燕山尚清貴不與桃李爭芳榮
花下詩成日未盡更喜幽人往來近清絕何如元鎮圖
應識耕雲是高隱

方方壺松巖蕭寺圖

浩渺滄江數千里幾幅蒲帆挂秋水曉風吹斷綠蘿煙
百疊青峰望中起梵王宮闕倚雲開七級浮圖倒影來
山人久已謝朝市日踞江頭百尺臺松篁叢雜多啼鳥
隔岸人家九彈小此圖此景入天機誰能髣髴方壺老

吳鎮

右丞春溪捕魚

前灘冒今後灘網魚兮魚兮何所往桃花錦浪綠楊村
浦淑忽聞漁笛響我行笠澤熟此圖頓起桃源鷄犬想
不如歸向茅屋底老瓦盆中醉春釀

洪谷子楚山秋晚

洪谷仙去五百年丹青流落何翛然九疑之山何突兀
亂雲慘淡秋風前尋幽忽有蓬萊仙歌聲隱約清溪邊
蕭蕭木葉下無際不見歸來張季船前村後村高復下
遠渚近渚斷又連夕照遲遲俯西川樹底人家起碧煙
卷中妙境無窮已揮毫聊爾紀新篇

郭忠恕夏山仙館

御選元詩

卷三

吳鎮

九

蒼厓過雨流青玉萬朵芙蕖紅間綠松枝搖動碧簾風
蘭舟徐度迴塘曲畫閣朱樓設翠綸銀床冰簟上流蘇
美人繡倦頻來往仙侶長吟聊自娛羽扇不揮塵不到
博山麝腦香猶裊新蟬驚破北窓眠幽禽啼斷林間巧
竹煙浮翠薦龍團樹影當庭映日圓晚來兩兩尋幽客
應識溪聲六月寒圖中景物非人世如此丹青誰得似
屈指流傳四百年宣和賞識標忠恕人間何處無炎歎
火雲照耀未能消高齋展對殊未已一片涼颼落素綃

李成江村秋晚

咸熙畫圖無與共傳世希微愛者衆二李之後已寥寥
宣和當日尤珍重新圖一旦落人間神宮寂寞何時還

經營意匠出塵表上下五百誰能攀水迴中有漁舟泊
山頂崇臺招白鶴籬根浮出水潺潺萬竹琳琅奏天樂
霜飛木落一天秋棲禽向晚聲啾啾柳溪錯認淵明宅
過橋豈是王弘儔景色蕭條如太古路僻村深貯煙霧
分明再見輞川人蕪詞何敢輕爲附清容自是鑒賞家
持將却向天之涯幾回試展未能去落盡庭前無數花

米友仁畫卷

元章筆端有奇趣時灑煙雲落縑素峰巒百疊倚晴空
人家掩映知何處歸帆直入青冥濛曲港荷香有路通
更愛涪翁清絕句相攜飛上蓬萊宮

竹窩

御選元詩

卷三

吳鎮

二

阿香怒鞭籜龍尾斑鱗蝕去痕未洗天風吹作萬琅玕
翠壓脩林收不起林深有客棲寒煙玉版已悟禪中禪
人間赤日迴不到著我六月秋冷然青雲欲飛霖雨急
佩環聲裏雙娥泣玉簫驚起老龍眠夜染瀟湘半江碧

水墨梅松蘭竹四友圖

硯池漠漠吐墨汁蒼髯呼風山鬼泣濤聲破夢鐵骨冷
露影溥空翠毛濕徂徠百畝老雲煙湖山九里甘蕭瑟
何當置此明窓下長對詩人弄寒碧

野竹

野竹野竹絕可愛枝葉扶疎有真態生平素守遠荆榛
走壁懸崖穿石埭虛心抱節山之阿清風白月聊婆娑

寒梢千尺將如何渭川淇澳風煙多

題青山碧篠圖

青山白雲繞碧篠蒼煙迷幽人日無事坐聽山鳥啼鳥啼有真趣對鏡看山隨所遇乾坤浩蕩一浮鷗行樂百年身是寄

筍

綠陰晝靜南風來晴梢拂拂煙花開籜龍走地牙角出班班玉立橫蒼苔長鏡穿雲石路滑錦衣脫裊玉版白鳴牙未下水雪壅開籠先放揚州鶴

時至正七年竹醉日

黃鎮成

桃花巖

御選元詩

卷三

吳鎮

黃鎮成

三

小僉山中數塊石上出浮雲幾千尺寒泉飛下絕澗響老樹倒挂蒼苔壁巨靈擘斷知何年中有古洞藏神仙蓬萊宮闕浩杳靄世外別有壺中天巉巖磊砢相緣入雲霧晦冥光景集丹房石室淨無塵虎攫龍拏半空濕山人舊說桃花巖山高水絕無由探我來正值巖花發長嘯獨倚春風酣同遊雅士貪幽趣自劬山雲燒筍具兩山流水一川花依稀似是桃源處世上紛紛吹戰塵山中道人都不聞欲從君住不可得一聲孤鶴唳空雲

題墨菊

江南九月秋風涼秋菊采采金衣黃近時丹丘出新意却灑淡墨傳秋香青城學士曾題藻散落人間共傳寶

卷舒造化入毫端回首東籬自枯槁東陽傳君心好奇
何處得此秋霜枝湖湘衲子遠相貺筆勢迴與丹丘齊
香英細感元玉屑老榦拗斷烏金折不隨粉黛學時妝
自與幽人同志節淵明已逝屈子沉晚香縱有誰知心
感君畫圖三歎息爲君長歌楚天碧

李存

次韻戚總管賦雪

長風剪水不成片城上將軍鐵爲面五更吹角隋梅花
天女騎龍淚如霰坐令萬瓦白參差人在蓬萊水晶殿
黃河夜合鼉鼉深太行曉裂豺狼戰尚憐廬阜足佳致
五百寒僧不開院崑崙崑崙南日本東未信天花一時遍
御選元詩 卷三 黃鎮成 李存 主
塞邊勒馬公所開橋上騎驢吾不倦化工作巧本容易
臘盡春臨已三見明知無酒俱冷落豈有多情更歡宴
長安市上一貧士白晝閉門何所羨

叉魚

霜風刮面冰如刀持叉入江矜厥豪投深中又始一出
眼澀膚凍如紅桃嗟爾得食亦稍稍性命或與蛟龍遭
安得長叉一萬丈直向海中叉六鰲

祝丹陽以古琴見惠且寄以詩次韻荅之復以

史略一本爲謝

涼風蕭蕭吹井桐佳懷如寶千不逢二年蹤跡走闌闌
面目土炭心盲聾萋萋異伏櫪馬雲漢獨羨高飛鴻

詩琴遠致心甚厚金玉備具相玲瓏大珠沉淵炯不動
朗月照水清欲空亦知廬阜入幽夢幻此三疊銀河風
紛紛醉裏不知老有此二美誰吾同彈琴固可消世慮
作詩乃或令人窮未知祝仙古巖下往往遇會方瞳翁
聊將史畧報深意并問馬首何時東

胡天游

途遇大風

客子南遊日欲落觀溪橋頭風色惡砲車雲外天爲昏
走石飀江吹倒人橋頭翁嫗邀我宿呼酒張燈傍僮僕
夜深撫榻不成眠瑟瑟威振茅屋明朝風定天宇白
一笑促裝三歎息邇來平地多風波不獨江頭阻風客
癡牛偃蹇不服箱天風吹落千仞岡明河在望歸不得
化作山頭一拳石皮毛剝落封苔錢千古萬古眠雲煙
嗚呼安得秦鞭起轂轡短衣歸種汶陽田

石牛寨

御選元詩

卷三

李存

胡天游

三

寓館食齏戲主人

蕨芽成拳筍作竿園菘卧壟春告闌寸心生意老猶壯
鬱鬱競長青琅玕筠籃擷翠風露濕瓦缶釀碧虬龍蟠
開緘曉試膳夫手寸斷日送先生盤堆金疊玉光璀璨
未許首菑誇闌干鏗鏘拒齒發鈞奏甘脆適口回儒酸
填胸一洗鮭鱗惡頓覺肝膽生清寒朱門淳熬腐腸藥
何異鴆毒生晏安齏鹽送老本吾分一飽已揅如窮韓

幸無羸角蹂吾圃，祇有蔬糲同盤桓。未知餘生消幾甕，俯仰日月雙跳丸。明當更作冰壺傳，大笑出門天地寬。

張師曾

送南康先生

眼底讀書猶貫魚，談經不窮照乘珠。有時光采生海隅，龍駒自是日千里。汗血分槽五花起，欲逢伯樂鳴未已。歸舟行處滌瀟香，明鏡無塵秋薦涼。五老相迎何蒼蒼。

梅致和

獨馬圖

西域之西生良馬，丹青何年入圖畫。良工不必問誰何，只此毫鋒便瀟灑。肉駿汗血形如龍，權奇肯與駑駘同。

御選元詩

卷三

胡天游

張師曾

梅致和

十四

迥然獨立生長風，自信不受金羈籠。老驥猶能志千里，況此昂頭渴烏勢。聖朝捐金市駿骨，宜向天閑驂六轡。

何景福

和散里平章遊東安汪伯諒半山亭詩韻

丹溪青山冠閩浙，勝遊忽聚金臺客。朱闌碧檻倚雲隈，滿地松花踏香雪。玉京北望蒼煙重，山光水色開天容。咳唾隨風落珠玉，蒲萄酒豔玻璃鍾。逍遙聊作無事飲，倒著接羅從酪酏。潮生眼纈春風和，月上松蘿酒初醒。金閨公子玉堂仙，長歌擊筑音琅然。君不聞香山老子長短三千篇，一金一首鷄林傳。

畫魚

粉垣皎皎雪不如道人爲我開天奇長杠運入霹靂手
墨池飛出龍門姿雲煙鬱律出半堵下有洶湧波濤隨
錦鱗隊隊晃光彩揚鱗掉尾唵喁吹相忘似識湖海闊
肯與蝦蟹相娛嬉由來至理與神會潑刺健鬣直欲飛
嗟予久縮釣鼈手卒見欲理長竿絲張僧繇任公子不
須點龍睛不須投饕餮禹門春浪拍天流只要雷公助
燒尾

項炯

題趙子固水仙

龍波乍起湘雲濕帝子欲歸歸不得十二煙鬟遙點碧
到今愁魄寄湘花畫出深秋雲繞筆

御選元詩

卷三

何景福

項炯

潘純

五

潘純

桐華煙爲吳良賦

常聞吳剛上天去手斫嫦娥宮裏樹調向人間作散仙
陽羨州中水邊住曾見玉兔杵元霜三生悟得燒墨方
墨成得錢即沽酒那知世有白玉堂百年生計萬慮息
身不求知名四集卧吹長笛看青天歲掃桐煙三百石
周郎昔斷長橋蛟腹中有白凝爲膏石牀暖傾玉髓滑
竹屋夜倒山月高江南李墨人共惜安得今人不如昔
君看鬱鬱歙州山山上青松盡千尺

唐登

靜安八詠

錄四首

陳檜

禎明老檜高百尺十畝蒼寒浸苔石虬枝偃如東向松
霜皮慘若西來栢金陵王氣當時誇落日江村啼亂鷓
壁月滿天清夜靜玉簫吹落後庭花

鰕子禪

誰云儼師示化所餘香未絕天花雨癡禪狡獪悉共知
嚼啐紅鬚化龍舞癡禪化去鰕亦存至今法門無盡燈
風雨幾度驚山靈庭前柏樹猶青青

滄瀆壘

吳淞江上袁公壘千年何處尋遺址石犀半落江水中
秋老蘆花三十里五百馬塵今尚飛啾啾赤子將安歸
御選元詩

卷三十一

唐登

沈鉉

三

綠雲洞

海村古洞雲連霧洞門春曉松花雨寒綠風生玉兔房
團光露濕金鷄樹隔林鳥聲無處尋空堂蒼響如敲金
綠雲仙人解招隱我欲避世投冠簪

沈鉉

送仲温先生還吳

江城蕭索西風起行逢故人驚夢裏憂深自覺少容顏
食盡惟愁拙生理看君白髮何由得白髮相逢更悲喜
筆力隨年老愈深詩思逼人鳴不已每呼石丈即低頭
獨寶蘭亭誇未死近來英氣減前時酒量寧非向來比

從渠門第涕如羹自保情懷澹如水城南只友高書記
謝官歸來接鄰里交遊散落苦無多世事悠悠竟如此
明朝忍去別江頭楓葉蘋花送行李

沈存

懷友人徐伯貞

去年秋風捲黃埃美人躍馬沙邊來今年秋雨灑白日
美人遠上黃金臺黃金臺下燕山道漠漠寒雲接衰草
雁飛不斷青天長長使征人路傍老美人美人胡不歸
清霜凋盡珊瑚枝臨風三歎思欲絕悲莫悲兮生別離

陸侗

靜安八詠

錄一首

御選元詩

卷三十一

沈鉉

沈存

陸侗

林彥華

三

蘆子渡

蘆村胥村南北路舟往舟還今古渡一笠天隨紫鳳飛
百枝水落青龍步鯉魚風起夜未收雪色蘆花零亂秋
借得君山第三管月中吹過滄浪洲

林彥華

八臺詠

錄二首

歌風臺

芒碭雲氣高崔嵬山東噫氣聲如雷睢陽拔木真細事
天遣吹暖秦坑灰沛中小兒強解事擊筑高歌攪鄉思
周南正始風化行可惜歌中無此意伯心之存良可知
五葉變作秋風辭

戲馬臺

白蛇夜斷飛赤龍長驅疾足平關中鴻門玉碎亞父死
彭城霸氣隨飄風沐猴御事真成戲調服羣鴛棄天驥
一驩豈解踏九州事去空歌時不利宋公不復登此丘
弔古有客悲黃樓

汪澤民

翠微寺

欲雨不雨天墨色將崩未崩石偏側溪谷緣雲已萬盤
風雨欺人作三厄客遊已慳天不慳雷電翕歛噓晴暉
諸峰倒景互明滅照耀金碧開山門清都紫微逼象緯
旃林貝樹羅山樊十方下視沙界迴佛骨不受炎歊裨
御選元詩

卷三

林彥華

汪澤民

鄭玉

天

麻衣老師寂滅久問法羞與山僧論但餘卓錫古泉水
念念欲洗塵眼昏嗟予世網久躑躅坐覽古跡空盤桓
暮歸却覓山下路杳杳飛鳥投荒村

鄭玉

題洪氏舫軒

山人愛舟屋亦舟山中便作滄海遊何須風帆冒險遠
東西南北窮遐陬向來此是荆棘地今日遂作江湖秋
門前嵐霧靄蒼翠渾疑江上煙波浮雲旋日動屋移影
舟行岸轉曲江頭主人自是濟川手坐令涉險如安流
復有佳客天下士作記寫出清絕幽王先生詩繼二雅
五字萬里爭追求徐公翰墨妙當世夜深光彩射斗牛

世間尤物自足貴安用航海珠玉謀誰當共此樂朝夕
窓外忘機兩白鷗

蔡廷秀

武夷山

去年遊羅浮鯨波浴日三更秋今年遊武夷龍湫飄雪
九曲池平生足跡山水窟二山冠絕天下奇早年南北
幾去來太行祝融窮天台石門雁蕩今回首風斯在下
生塵埃曾孫宴罷幔亭頂神仙果有即此景何須世外
尋蓬瀛斫藤縛屐崑崙嶺天風吹我上一曲濕雲粘脚
莓苔綠一村仙子指二曲溪峰有女顏如玉釣臺三曲
凌天扃仙舟濯破赤石城四曲嵐光翠欲凝雲車洒雨
御選元詩

卷三

蔡廷秀 潘伯修

三

開新晴羣仙知我經仙後天孫招飲石上亭軒皇渺遺
響泉聲寶瑟浮湘靈子喬撫鍊笛麻姑玉笋顛倒傾西
母瓊桃熟安期棗瓜生初平有羊鞭白石可教無魚羹
青精舖我食且飽飲我醉未醒欲從五曲窮九曲白雲
滿目生親情好山豈不欲終日食焉怠事俗病縈天仙
笑騎白鶴去何處委羽雙幘零我亦醉下山之岡恍然
人世心蒼茫東方鬱鬱覩佳木紫陽清風吹躡綱中天
皎皎日月長桃源此去從荒涼

潘伯修

靈山

玉環諸山靈山深環以大海根太陰空青水碧澹相映

散爲風露來蕭森嗟予賦命落台雁調笑魚鳥成滯淫
南遊華蓋動連月勝地在近徒歎歎風帆徑渡不再宿
綬褭長劍攜青琴種榆瓊田中吹笙玉山岑吾將於茲
養年命岐路四斷誰能尋

李祁

奉題朱澤民先生畫山水圖

洞庭之南湘水東青山奕奕蟠蒼龍雲陽峰高七十一
欲與衡嶽爭爲雄我家近在雲陽下來往看山如看畫
十年塵土走西風每憶雲陽動悲咤吳中勝士朱隱君
筆精墨妙天下聞畫圖畫出湘江水青山上有雲陽雲
雲陽山高湘水綠十年不見勞心目只今看畫似看山
御選元詩

卷三

潘伯修
龔友福

李祁
陳麟

三

萬里歸情寄鴻鵠

陳麟

題歸去來圖

飛泉十尺銀河懸孤松石上蒼龍眠四山無數白雲出
五株衰柳當門前葛巾丈人步其下悠然別有山中天
龔友福

濮山丹洞

濮公曾此學神仙飛騰一去千餘年欲窮勝境訪偉蹟
但遺丹井清冷泉蒼山翠嶺枕淮水雲崖古洞埋雲煙
神仙茫茫不可詰往事獨見居人傳羽衣接跡千載後
結菴構宇當巖前巖前種藥草自異青松翠柏高參天

自慙汨汨走聲利登臨此地空留連

陳基

送李景先錄判

閨門柳枝短君行不可緩贈君不折楊柳枝勸君飲此
金屈卮丈夫將身誓許國安用當歌傷別爲青絲絡鞢
黃金勒遊宦鄱陽山水國何處春風最憶君琵琶洲上
蘼蕪碧

潼關

河渾渾關嶒嶒太古以來神禹鑿前車未行後車却去
馬一鳴來馬愕自從虎視繼龍興周道不復如砥平至
今惟有秦川路千里秋風落葉聲

御選元詩

卷三

陳基

三

寄姚子章

聞君又作錢塘客多在青樓少泉石佳人姓蘇名小小
占斷西湖好春色沙棠爲舟桂爲槳驚起鴛鴦飛兩兩
有時醉倒百花間不記六橋新月上行樂須當少壯時
英雄自古皆堪悲歸來莫負張京兆鸚鵡窓間喚畫眉

織錦圖

佳人織錦深閨裏恨入東風淚痕紫三年辛苦織迴文
化作鴛鴦戲秋水秋水悠悠人未歸鴛鴦兩兩弄晴暉
料應花發長安夜不見閨中腸斷時

僕嘗夜夢從彥成飲彥成曰此荔枝漿也飲之
令人壽子能爲我賦之當贈三百壺予自口占

一詩覺乃夢也及會玉山聞彥成釀酒果名荔枝漿以夢白之不覺大笑玉山曰君當書此詩吾當與子致酒以質所夢因莞爾書之彥成見之必更一笑也

涼州莫謾誇葡萄中山枉詫松為醪仙人自釀真一酒
洞庭春色嗟徒勞瓊漿滴盡生荔枝玉露瀉入黃金卮
一杯入口壽千歲安用火棗并交梨不願青州覓從事
不願步兵為校尉但令呼鶴共呼鸞日日從君花下醉

新郭

扁舟夜泊新郭市石湖水深清且泚長嘯一聲天地秋
萬壑驚風泣山鬼匡廬生玉山子意氣相傾誓終始呼
御選元詩
童沽酒烹錦鯉醉入蘆花月如水周郎放歌踏船尾我
亦和之聲疊疊明月照我心秋水洗我耳富貴亦何為
人生行樂爾城中黃塵眼為眯安得置我丘壑裏

張憲

唐五王擊毬圖

興慶宮前春正熱綠楊夾道花如雪毬門風起日西斜
五馬歸來汗成血潞州別駕醉眼纈雙袖傾欹擁岐薛
申王按鞞宋王馳杖撲毬囊手親挈草平如掌馬力均
玉鞭十里不動塵黃門扶入五花帳大衾長枕姁家人
花萼相輝雨氣寒樓中歌管漸闌殘紫騮不踏毬場路
萬里青騾蜀道難

中秋碧雲師送蟹

天風吹綻黃金粟簷前老兔飛寒玉客窓不記是中秋
但覺鄰家酒漿熟泖田秋霽稻未鎌葦箔竹斷收團尖
紅膏溢齒嫩乳滑脆美簇簇橙絲甜無腸公子誇矍鑠
兩戟前驅終受縛壓心晝煖白玉臍夔牟夜泣紅銅殼
麴生風度亦可憐且對霜娥供大嚼酒後高歌遶碧雲
九峰一夜霜華落

青山白雲圖

青山青青白雲白一尺小溪千里隔扁舟
巖岸不見人鷄聲何處秦人宅桃花流水春粼粼
不識人間有戰塵待得紫芝如掌大歸來甘作太平民

御選元詩

卷三十一

張憲

陳秀民

三

陳秀民

壬午九月九日與郭希仲紀叔維馬希遠飲周
景父晚香堂上紀畫墨菊馬鼓琴既而各賦一

首

去年登堂三月三主人置酒澆春衫今年登堂九月九
堂上主人復多酒馬生彈琴紀生畫郭子題詩美如炙
四明狂客醉欲倒菊花插帽秋光好百年節序能幾逢
人生會合何其少人生會少將奈何爲君起舞爲君歌
歌殘酒盡更須酌莫待他年白髮多

題幻住菴中峯和尚蓮池野亭小像

亭前池水生蓮花亭中老禪方結跏雙枝作供淨瓶裏

彷彿玉井銜丹霞世上蓮花亦常有玉堂不比丹青手
水底冰蠶已化龍絕世於今故無偶師是蓮花花是師
亭亭淨植涅不淄胸中五色舌上吐爛漫寫出蓮花詞
世間物物皆爲幻我把斯圖作真看君不見中峯峯上
十丈蓮吹香夜夜到諸天

蘇大年

雷塘

吳公臺下雷塘路錦纜牙檣行樂處當年玉樹後庭花
夢裏相逢惜春暮君不見東家北舍人未歸落花滿地
蝴蝶飛

方行

御選元詩

卷三

陳秀民

蘇大年

方行

三四

題吳彥嘉所藏張秋蟾龍圖

張公畫龍人不識筆法遠自僧繇得挂向高堂神鬼驚
恍忽雷光來破壁想當渤海開筆力元氣淋漓浸無極
吞吐日月天地昏摩蕩雲雷太陰黑江翻石轉窈莫測
雪濤卷空銅柱側洞庭扶桑非爾誰顛倒滄溟爲窟宅
乃知前圖只數尺坐令萬里起古色何當置我君山湖
上之高峯聽此老翁吹鐵笛

御選元詩卷第三十一

御選元詩卷第三十二目錄

七言古詩九

楊維禎十二首

錢惟善三首

張昱一首

王逢四首

戴良三首

顧瑛十一首

倪瓚五首

郊韶八首

姚文奐一首

御選元詩

卷三十二

目錄

周砥五首

黃玠一首

文質一首

黃文德一首

華肅一首

王鑑一首

余日強一首

陸景龍一首

邾經一首

舒頌五首

舒遜二首

周霆震一首

朱希晦二首

吳哲一首

鄭洪五首

徐淮一首

葉顥三首

劉養晦一首

郭鈺七首

劉永之六首

御選元詩

卷三

目錄

二

御選元詩卷第三十二

七言古詩九

楊維禎

自題鐵笛道人像

道人煉鐵如煉雪丹鐵火花飛列缺神焦鬼爛愁鏤鄒
精魂夜語吳鈞血居然躍冶作龍吟三尺笛成如竹截
道人天聲闕天竅媧皇上天補天裂淮南張涯人中傑
愛畫道人吹怒鐵道人與笛同死生直上方壺觀日月

題趙仲穆臨黃筌秋山圖

成都畫師稱要叔不獨錦雞兼寫竹李昇筆法最稱神
萬里雲山出西蜀重巒疊嶂金碧堆丹崖楓樹如花開

御選元詩

卷三

楊維禎

一

銀河著地可望不可到上有仙家十二之瓊臺峨眉玉
壘天邊落萬雉金城連劔閣雪山西蜀爲武擔石鏡清
輝纏井絡江邊里牯似沉犀水怪不敢湍金隄支機石
在巖真觀浣花水落少陵溪蜀王宮殿牛羊下鼓吹却
入雞豚社雪飛水磨舊敲茶春釀耶筒荷熟蕪草田麥
攏煙光薄交鹿呦雉角角何處山僧赤脚歸空林野
水日欲落吳興小趙精天機出入內府閱秘奇親摹此
本第一幅閉戶三月忘朝飢老夫平生有山癖草元亭
前雙眼碧江上何處未歸來黃鶴高樓吹鐵笛

題柳風芙月亭詩卷

主家池館西龍塘龍塘華國參差芳秋輪輒露春雲熱

水風楊柳芙蓉月星橋高挂東西虹宮花小隊煙花紅
金絲拂鞍長袖舞夜靜水涼神欲語草池夢落西堂客
吟詩一夜東方白

袞馬圖

唐家內厩三萬匹畫史縑緙都熟識綠蛇連卷骨初蛻
一團旋風五花色濕雲乍洗烏龍池金索掣斷愁欲飛
奚官獨立柳陰下手把玉鞭將贈誰

飲馬圖

佛郎新來雙象龍鼻端生火耳生風臨流飲水如飲虹
波光倒吸王良宮吁嗟青海頭白磧尾渴烏一失金井
水長城窟遠腥腥風起

御選元詩

卷三

楊維禎

二

趙大年驚圖

鏡湖湖上春波明灣碕樹樹驚黃青上有金衣弄簧舌
下有紅掌浮繡翎春鋤一白能自好尚嫌性帶鷓鴣腥
眼明見此羣鸛鶴不與匹鳥爭春晴大年筆法如蘭亭
宛頸箇箇由天成良宮流落二百載胡賈不厭千金爭
却恨會稽內史無此筆爲人辛苦書黃庭

明皇按樂圖

沉香亭前花萼下戶叶天街一陣催花雨海棠花妖睡初
著喚醒一聲紅芍藥金鑿供奉調清平梨園舊曲換新
聲阿環自吹范陽笛八姨獨操傷春情君不見夜遊重
到明月府青鸞能歌兔能舞五雲不障蚩尤旗回首煙

中萬鞀鼓那知著底梧桐雨雨聲已入淋鈴譜

題王母醉歸圖

瑤池春暖波如灑不與紅妝洗嬌面仙娥泛月蕊宮來
催宴瓊花開水殿麻姑滿進九霄觴金盤鮓熟夫容香
歌雲緩繞紫鸞管舞颺淑洒青霓裳阿母嬉春淡妝束
雲冠巧琢梅花玉酒痕凝頰呼不醒扶上仙山雪毛鹿
綺袍半脫露香肩飛控不動金連錢天風吹夢渡弱水
含羞倦倚雙嬋娟歸來笑拂龍鬚席汗濕鮫綃睡無力
玉鈎齊上水晶簾十二瑤樓月光白吳興畫史筆如神
丹青貌得瑤池真劉郎自是識仙趣看花同賞元都春
圖中彷彿一相見何必蓬萊問清淺便呼青鳥報鸞箋

御選元詩

卷三

楊維禎

三

蟠桃明日重開宴

湖光山色樓

仙家十二樓俯瞰芙蓉渚象田耕玉煙龍氣生珠兩鳳
麟遠水接空濛小瀛夜折蓬萊股蘭臺美人能楚語十
三雁急孤鸞舞仙人醉騎黃鶴來酣揮落日使倒迴剪
取瑠田一稜歸滿天鐵笛走春雷

蓮花斗斗在太湖之西薊氏村

棟花風殘啼鳩舌蓮花斗上春三月斗上女郎齊踏歌
輕衫白苧飄香雪青山深鎖薊家村使君艇子恰當門
門前滿樹櫻桃子手摘櫻桃招使君使君本是龍門客
身脫官袍岸烏幘何處江南最有情新買蓮花斗上宅

甲申臘月廿五月初度

去年生旦吳山雪我食無魚客彈缺今年生旦逢立春
座上簪花寫春帖主人錦筵相爲開烹羊炰羔作春杯
柳車昨夜送窮去羯鼓今日迎春來家人祝詞心轉急
富貴今年當五十男兒富貴絕可憐年少光陰胡可及
大姬白題作胡舞小姬吳飲歌白苧丹穴錦毛飛鳳皇
海樹紅芽語鸚鵡兩家公子與玉觴酒酣起把雙銀觴
胸吞笠澤三萬頃氣卷渴鯨千丈長座中有客吾宗老
玉山不受春風倒歌詞自作風格高合樂鶯聲一時好
夜如何其且秉燭主人奉驪爲不足主人交誼晚誰似
四海弟兄同骨肉我歌醉歌君擊缶金搏琵琶勿停手

御選元詩

卷三

楊維禎

四

洞庭君獻橘雙頭飲以洞庭春色酒輪雲世事知何有

題高郵何將軍老山圖

何家將軍多愛山以小比老尤堅頑青山面目元不老
將軍却笑鬚眉斑崑崙何時鼉背裂將軍氣高萬華絕
小夫移山良自愚將軍一怒天柱折天山已定三飛鶴
凱歌十二和歸橈殘山剩水在何處第五橋北南塘均
太平天子方講道將軍六十便稱老黃金兩外棄甲拋
白玉風前醉山倒宣州畫生來作圖圖中貌得詩人隲
銀瓶索酒豪尚在腰間屢解雙珠符門前好事復載酒
東山攜來散花手戎王子花歌月支落日平臺舞楊柳
玉堂醉草寫烏絲時與盧老同襟期將軍風韻有如此

何必酷似劉牢之當時爾祖得鄭杜尚帶儒酸走風雨
何如盧後更逢揚亦復有客如此不

錢惟善

八月十五夜風雨後見月有懷

天柱峯高月華碧自古人間風雨隔飄然欲探蟾窟遊
萬里陰霾妒良夕元雲忽開黃道明顧兔涵秋抱冰魄
嫦娥偷藥長少年桂子薊霏羽衣濕飛仙挾我凌太清
萬丈寒光湛虛白美人不來空夜涼白苧歌闌露花積

湘淚竹管

黃陵廟前捐珮玦龍影搖文織湘血翠帷塵滴不乾雲
湘水無聲楚魂咽蠻娘弄作吳娥吟五音嘹亮生枯節
御選元詩 卷三 錢惟善 張昱 五
一聲直向天上聞手挾飛仙挽秋月嗚嗚似向煙中語
十二螺鬟排律呂黃鶴樓空人不還斷腸聲裏招神女

江聲得五字

小海歌闌渺平楚中流日暮猶鳴櫓怪疑鐵笛和龍吟
清應水絃出魚舞響入蘆花暗長潮寒吞樹影晴飛雨
溯源欲聽巫峽秋夢繞峨眉月三五

張昱

題華光梅

墨梅之作盛衡湘始作俑者唯華光此僧平生十萬紙
筆力所到花爲香是誰好事憐清苦三二百年存絹素
和靖多情縱有詩廣平得意還能賦東坡先生昔倅杭

萬松嶺見一枝長我今見畫如昨夢都在君家白玉堂
王逢

聽鄭廷美彈琴

畫闌月照芙蓉霜博山水暖薔薇香石屏石几青黛光
鄭鄉君子琴中堂榴裙蕙帶辭羅洞玉珮珠璣脫飛鞚
何處春深雲滿林小巢並語梧花鳳君不見湘靈鼓瑟
湘江澚苦竹祠荒愁暮雨遺音一聽增感傷使我無言
重懷古重懷古鷄喔喔明星爛漫東城角誰家尚奏桑
間樂

題留侯小像

漢高三尺劔子房三寸舌剛柔兩相濟秦降楚隨滅君
御選元詩

卷三

王逢

六

不見乾坤狡兔飛鳥秋脫使子房無世仇箕棲穎飲老
則休

夜過蒼墩江隱居

白茅蕭蕭風色昏歸人自語煙際村我騎蹇驢童抱尊
記得君家忘却門徑穿竹入背江路傍是梁朝敬宗墓
月中對鶴吹洞簫露水瑤然落高樹

趙文敏公山水爲董竹林山長題

并序

公於畫左題云至大三年六月望日爲吳彥良畫
并詩有岸靜樹陰合溪晴雲氣流之句想在鷗波
亭作也彥良嘉禾人

何山弁山秀可掬上若下若蒼苔綠翰林學士偶歸來

亭倚鷗波送飛鵠飛盡沒滄茫境衣上青天倒搖影
鹿頭舫子湖州歌想帶南風覺淒冷冰盤瓜李進仲姬
生綃畫就復題詩鄭虔三絕世無有於乎何幸再見至
大三年時

戴良

題劉凝之騎牛圖

日落未落西山前誰家老翁牛背眠短身曲局聳兩肩
山花插帽帽爲偏左手拊牛右捉鞭牛行不動穩若船
一童衝冷手握拳迎風鼓勢走欲先荒郊冪冪草纖纖
云是匡廬古道邊匡廬山水好盤旋此日劉公初挂冠
劉公作令天聖間民物熙熙德化宣世上浮榮直幾錢
御選元詩

卷三

王逢

戴良

七

次韻春雪禁體

孫生讀書光映檐楊公滌筆色搖盃豈知今日物象新
總向三春堆積滿著地都將委瑣藏拂池盡把瑕疵澆
直愁芝菌埋沒平詎惜松篁摧挫短雜梅旣無北使折
穿楊那有東風管千遠曉滑乍羞明萬瓦夜寒仍待伴
村村掩土蟄迷戶處處壓林巢覆卵集遲固爲入坎深
消早豈緣侵座暖世事已如鴻印爪我生方類鹿行曠
卧廬正慕焦寢安埽徑却嗟袁路斷何人無事杖堪尋

誰家有酒門可款皓首書生自局束紫髯參軍每蕭散
方晨致命許降臨未午催詩戒遲緩徐君可是常勝家
白戰先陳漢庭袒陽春一曲古難和凍筆閣來敢辭嬾
題顧氏長江圖

天下幾人畫山水虎頭子孫世莫比何年寫此長江圖
多少江山歸筆底巴陵三峽天所開遠勢似向岷峨來
洞庭瀟湘僅毫末楚客湘君安在哉江上一朝風雨急
老我曾來踏舟立鼓枻旣聞潭畔吟抱琴復聽竹間泣
別來幾日世已非忽此披圖憶曩時早知避地多處所
肯逐紅塵千里歸林下一夫巾履似亦有舟人與漁子
能添野老煙波裏便與同生復同死

御選元詩

卷三十一

戴良 顧瑛

八

顧瑛

巫峽雲濤石屏志

謝家綠玉屏不琢龜甲形方若陟釐紙粉縹帶苔青秀
潔庚庚絕文理十二巫峰橫隱起芙蓉照影立亭亭遠
落巴江一江水素湍洶湧翻綠濤長風吹雲白月高三
峽濤聲滿人耳箇中獨欠孤猿號胡僧謾有金壺汁洒
向素縑圖不得女媧煉石作五彩點染料應無此色此
石產景由天工略假石人磨削功石色欲盡玉色起汎
沈天碧涵清空君不聞大食貢石瑩如玉中有奇松四
時綠六月涼風捲翠濤瑟瑟秋聲戰空屋又不聞楊家
古屏刻水精中有爲雲之美人海綃衣裳爲煙霧姓名

自語非真真二物化去固已久價重隋珠難再有君家
玉屏獨在世勿落忍人豪奪手我聞故人揚鐵仙東帶
拜之如米顛起來發狂捉鐵筆醉墨寫入青瑤鶴何日
乘舟上魚復喚取巴童唱巴曲更借丹丘粉墨屏對按
巫山真面目

余嘗往震澤聞松陵謝氏伯仲賢而好事而余水仙之舟未得
一造其所今高君叔彬攜此卷至別業求題且知楊鐵崖亦到
湖上由是益知其賢而好事故製長詩一篇寄題寶屏他日或欲君畫薇花下
幸出此爲張本云至正乙巳七月廿一日金粟道人顧阿瑛書於合溪別業

棲雲軒

春雲壓簾飛不起暖氣籠蔥百餘里桃花亭亭笑酣春
谿邊浣花染谿水武陵才人碧窓底青霓衣裳白霞裏
翠煙默染猩猩毛冰綃凝文露華洗山光入眼青青迷
小鳥向人啼復啼前村後村樹如蓋柳花起舞迴風低
御選元詩

卷三

顧瑛

九

雲師雨師浩無據驅雲勞勞向何處請君勸師一杯酒
更借白雲檐下住

釣月軒分題

并序

至正十年七月初五日琦龍門過玉山留數日將
泛蘭陵之舟而未果十二日起文高先生雨中見
過復留周旋是日飲酒釣月軒中秋暑乍退雨止
復作龍門琦以舊雨不來今雨來分題余得舊字
秋暑困人如中酒涼雨淒風忽相逗塔下決明花正鮮
池上芙渠香欲瘦山人欲歸不得歸西夏郎官却相候
當軒不復問寒溫羣口誇詩如健鬪秋娘起拂紅綃袖
素壁看題今已舊舊雨不來今雨來故交那在新交右

坐聽飛溜落虛簷似與冰絃聲合奏清歡聊欲紀文字
長席還當陳俎豆人生有酒不爲樂何異飛蚊聚昏晝
玉山醉倒嵇叔夜紫芝光浮元德秀君今此行良不苟
請君一觴爲君壽風簾官燭暗秋屏歸期已在黃昏後
碧梧翠竹堂以暗水流花徑春星帶草堂分韻

得星字

高堂梧與竹鬢鬢排空青涼颺忽飛來落我生色屏爲
君燕坐列綺席吳歌趙舞雙娉婷蓴香翠縷雪齒齒蔗
漿玉盃冰泠泠人生良會不可遇況復聚散如浮萍分
明感此眼前事鬢邊白髮皆星星華亭夜鶴怨明月何
如荷鋤隨劉伶中山有酒十日醉汨羅羈人千古醒蒲
御選元詩 卷三十一 顧琰
十
萄酒玻璃瓶可以駐君之色延君齡脫吾帽忘我形美
人聽我重丁寧更借白玉手進酒且莫停酒中之趣通
仙靈玉笙吹月聲瓏玲與爾同躡雙鳳翎

以凍合玉樓寒起粟分韻得凍字

積雪未消春意動千里登臨遊目縱月明初度影娥池
曙色稍侵鳴玉洞佳人象管怯初寒銀瓶梅萼猶含凍
白髮休嫌舞袖長張燈夜促飛觴送

漁莊以解釣鱸魚有幾人平聲字分韻得人字

芙蓉始花秋水新小莊落日酒相親漁童樵青解歌舞
茶竈筆牀隨主賓龍門山人碧玉塵會稽外史白綸巾
蓴羹鱸膾我所愛吟對西風懷遠人

以玉山亭館分題得金粟影

飛軒下瞰芙蓉渚檻下幽花月中吐天氣寂寂吹古香
清露泠泠濕秋圃雲梯萬丈手可攀居然夢落清虛府
庭中擣藥玉兔愁樹下乘鸞素娥舞瓊樓玉殿千娉婷
中有癯仙淡睂宇問我西湖舊風月何似東華軟塵土
寒光倒落影娥池的皪明珠承翠羽但見山河影動搖
獨有清輝照今古覺來作詩思茫然金粟霏霏下如雨

餞謝子蘭分韻詩

并序

至正戊戌秋九月毘陵謝君子蘭過玉山中謂予
言曰僕旅寓合塘之上今年夏秋苦霖雨田皆白
波與陂湖相通所居復卑下老妻稚子不遑寧處

御選元詩

卷三

顧瑛

十一

兼乏樵蘇之所今於泗川里得屋一區主于友人
管伯齡其里亢爽宜禾麥予乃攜硯田而就耕焉
故來言別予遂置酒於書畫舫邀恢公復初表君
子英陸君元祥朱君伯盛以江東日暮雲分韻同
餞余得東字子蘭得江字亦賦詩留別餘字各有
所屬云

先生祖實康樂公於今爲庶稱老翁派流白鶴溪上住
鄉里羣豪趨下風叩門過我儂頭戴笠子心忡忡
談空說有丘壑志抗塵走俗山澤容自言千里窟荆棘
此身飄泊如飛蓬山妻未老髮半禿紉鍼主饋全婦功
大兒學詩次學禮小兒五尺儒門童前年去年兵蔽野

單墩雙墩人舉烽孤舟如葉載雨雪朝浮暮泛西復東
寒蠅穴窓死鑽紙泥龜曳尾生脫筒只今僦屋在美里
黍穗雨黑波搖空米如買珠薪束桂壞壁四立鳴哀蛩
杜陵遷居憂國難阮籍命駕嗟途窮鷓鴣無枝何所寄
烏鵲三匝將奚從結心泗川得管子爲借一畝幽人宮
我爲斯文雅識面遲遲細語傾深衷我開船屋秋水中
綠波碧樹紅芙蓉推窓面面遠山入引鈎箇箇遊魚逢
好事獨許米老得清賞當與岑參同畫張神筆駭瘡鬼
書著芸香辟蠹蟲槽頭夜滴百斛酒佳菊爛發花叢叢
蟹斫兩螯白雪滿橘摘並蒂黃金重薦君之酒餞君別
莫辭大酌玻璃鍾君不見繞屋水流流入淞五湖四海
御選元詩

卷三

顧瑛

十一

三江通君歸只在泗川上百里那消風一篷君好去莫
匆匆足衣足食可禦冬回首虹光貫明月新詩多附高
飛鴻

送周仕宣南臺典史分題得芙蓉堂

芙蓉並開開滿堂堂中美人傾玉觴畫船鼓吹弄白日
迴風驚起雙鴛鴦鴛鴦雙飛出城去城上花開知幾度
不聞嬌燕語雕梁惟有棲烏啼碧樹空城夜夜月光
照見烏臺臺上霜翠幕芙蓉大如斗盈盈綠水明新妝
鍾山蜿蜒若龍走送子春江一壺酒他時戴花歸故鄉
莫忘江頭折楊柳

雪霽與鄰九成陳惟允坐劔池上惟允爲寫圖

因次九成韻

飲澗長虹挂深嶺千尺轆轤斷脩綆夜寒月黑鬼賦詩
白日清風人寫影藤蘿陰陰蔓山椒長松落雪如花飄
煩君畫我掩書卧窓前更著青芭蕉

次周履道韻

夜泊石湖湖水傍芙蓉露白蒹葭蒼畫船酒行飛急觴
美人羅袖隨風揚長檠翠幕高高張浩歌起坐秋夜涼
明月已在天中央大星小星光焯煌酒酣不記過船去
但聽秋聲響踈雨夢中化作蝴蝶飛飛入花間聽春語
鄰鷄喔喔東方曙船尾浪花風起舞爲君起和夢中詩
水氣如煙度秋渚

御選元詩

卷三

顧瑛

倪瓚

十三

倪瓚

送呂養浩之紹興

賀監宅前路荷花今亦無空餘湖上月照見水中蒲送
爾作官幽絕處錢塘江頭飛柳絮聽事臨隄滿夕嵐時
有沙鷗自來去

送徐君玉

閩江之水清漣漪隔江名園多荔枝閩中女兒天下白
越波飛槩逐鳧鷺櫂歌清綿洲渚闊蕩槳落日令人悲
蠻煙怪雨忽冥密蔣芽蒲葉相參差此中勝事不爲少
徐郎遠遊牽我思

劉君元暉八月十四日邀余翫月快雪齋中命

余詩因賦

卷簾見月形神清疑是山陰夜雪明長歌欲覓剡溪戴
悵然停杯遠恨生爾營茅齋名快雪邀我吹笙弄明月
明星如銀浮翳消垂露成帷桂花發酒波蕩漾天河傾
笙聲嫋嫋秋風咽古人與我不並世鶴思鷗情迴愁絕
爲曹僉事畫溪山春曉圖因題

荆溪之水清漣漪溪上晴嵐紫翠圍連舸載書煙渚泊
提壺入林春蕨肥身遠雲霄作幽夢手栽花竹映山扉
磯頭雪影多鷗鷺也著狂夫一浣衣

李徵君將還揚州因言沈郎官在吳下賦此以

寄

御選元詩

卷三二

倪瓚 鄭詔

十四

二月桃始花淮南客還家階前疎雨落堂上春衣薄爲
言沈約在吳中玉壺青絲酒如空春風相過蕙草綠芳
菲滿堂樂未終

鄭詔

題廬山圖

羣山東南橫翠色倒影芙蓉生石壁青山直下九江流
吹落銀河二千尺安得浮雲滿春空託身萬里之長風
南遊濯髮洞庭水卧看蘿月行山中

小隱爲居延王孫德新賦

草堂三日風雨驚閉門不聞車馬聲書籤頗怪燕泥濕
并屋忽看春草生王孫亦在城西住手種團團青桂樹

朝來讀書不下堂自寫淮南小山賦

送廣德程萬戶弟從軍

桓桓程將軍年未三十氣如雲一朝詣闕襲父職獻書
討賊爭功勛朝廷恩深禮數厚授鉞前驅那敢後雲鳥
天青沒畫旗轅門月黑鳴刁斗將軍有弟才且賢從兄
萬里何翩翩看雲倏爾歸奉母如此一門忠孝全楊花
三月潼川暮揮戈又指湖南去吹笛高城破虜風飲馬
長江洗兵雨學書學劍真男兒功名拾芥須爾爲長歌
更勸一杯酒歸來細頌平蠻詩

分題得柳塘春

美人遠在春塘住門外垂楊千萬樹微風白日裊遊絲

御選元詩

卷三

鄭詒

十五

度水輕陰蕩飛絮使君來自白玉堂攀條欲結雙明璫
門前繫著紫騮馬上堂急管絃清商美人起舞爲君壽
再拜登歌酌君酒使君明日上長安莫唱東風折楊柳
碧梧翠竹堂

去年種桐樹綠葉高雲涼今年種新竹已與梧樹長幽
人讀書坐高堂夜聞天籟鳴笙簧下堂仰視明月光照
見烏啼金井傍烏啼在何處雙飛向桐樹枝頭啞啞傳
好語明年結巢鳳來住

柳塘春

春塘二月春波深楊柳濯濯弄輕陰裊裊金蟲落
隔屋兩兩黃鸝吟飛花莫遣度流水化作浮萍無定止

折時須折最長條，隄邊繫取木蘭橈。

雪霽顧仲瑛偕余與陳惟允坐劒池上，惟允爲寫圖因賦詩云。

殘雪落林度，西嶺古澗寒。泉凝素縵，孤僧倚樹聽微吟。
一鶴臨池照清影，松間旭日映山椒。白雲英英如雨飄，
何當爲置王摩詰，更添幾葉紅芭蕉。

題趙仲穆臨李伯時鳳頭驄圖

蓬萊宮中春晝遲，五馬曾閱李伯時。天閑一一盡龍種，
獨愛鳳頭尤崛奇。王孫歸卧江南日，見之爲爾生顏色。
乃知神駿世所憐，彷彿明窓親貌得。黃頭圍官頗且頽，
絳袍烏帶高帽尖。是日牽來赤墀下，黃門辟易爭觀瞻。
御選元詩

卷三

雜詠

姚文奐

周砥

六

紅絲絡頭尾，窳地元雲滿。身飛不起長鳴知，是戀九重
豈但一日行千里。君不見春風立仗何駟駒，龍文照地
來。房星何當中道爲剪拂，縱日平原春草青。

姚文奐

題玉山佳處

玉山之堂湖水東，朝來佳氣鬱葱龍。鶴飛瓊圃三珠樹，
鼇戴昆侖小朶峰。雨裏買魚溪友過，花間吹笛野人逢。
朝簪儻擲歸相候，一箇桃枝瘦竹筇。

周砥

題滄洲詩卷後

騎鯨東海上，豁然形神清。仰看中天月，逍遙吹玉笙。凌

晨歸返三山住銀闕珠宮渺煙霧東風吹亂碧桃花化作紅雲渡波去

送李生北上

李生東吳人住在東吳市手持賈誼書去謁漢天子天子白玉闕虎豹守九關黃金爛初日照耀蓬萊山願爲丹穴鳳飛入五雲間莫學襄陽孟夫子誦詩玉堂空放還勸爾一杯酒與爾作離別西風吹折楊柳枝八月燕山夜飛雪君當挂席大河去我還拂袖東山岑閉門自掃石上月綠蘿樹底彈鳴琴

新郭

汎舟越來溪水旁溪邊暮色何蒼蒼主人張筵揮羽觴

御選元詩

卷三

周砥

七

吳姬唱歌聲抑揚船尾挑燈大魚出船頭洗觥秋波涼夜如何其夜未央萬壑不起星煌煌酒闌客過別船去木葉蕭蕭下如雨船中醉卧忘西東睡覺猶聞夢中語此時月落天將曙隔屋鷄啼欲起舞西風滿天鴻雁聲瑟瑟菰蒲響秋渚

春日

空山寂寂行人稀岡頭落花如雨飛羅琴惆悵不能已故鄉寥落何當歸南去百粵羽書急北來三吳戎馬肥安得龍驤擁戰艦埽除倖寇揚軍威

遊龍巖三洞之間

商顏紫芝久不採淮南丹書竟安在仙人勸我三洞遊

身如騎龍到東海海氣茫茫雲霧迴白波捲雪連山來
雙童手弄海底日紅光一道金蓮開瑤草綠可折瓊樹
花冥冥昔人煉丹丹竈在錦苔繡石光清熒雷行半空
中逢逢擊天鼓玉女鸞笙時下來前頭四足神魚舞醉
拂珊瑚鞭玉虎我欲因之窮洞府聞訪八公五雲裏爲
說蒼生受辛苦不然飛出西華巔太極總仙之洞天安
得周迴更二千直與龍巖之洞相鈎連蓮花峰上重攜
手笑攬霞觴窺八埏

黃玠

題郭驛做朱老雲山圖

門外馬蹄三尺塵屋底青山看白雲不知身世在城市

御選元詩

卷三

周砥

黃玠

文質

六

但覺爽氣吹冠巾鴨嘴灘頭露沙渚彷彿西陵與南浦
惱人歸興滿江東煙樹半沉天欲雨

文質

和白雲海

白雲深白雲深白雲深處元無心眼空瑤海一萬里山
光不動秋陰陰虛白盈盈啓扁牖袖拂天開落星斗盡
隨玉氣化爲龍不逐西風變蒼狗道人高居白雲裏九
重丹書徵不起三生石上話因緣春夢梨花隔秋水風
塵慘日橫干戈龍吞虎噬奈爾何斷蛇神器未出匣海
寓無復春光和世事紛紛如落絮百歲流光水東注白
雲與我有深期我亦相依白雲住

黃文德

贈錢洞雲

玉峰古洞多白雲中有學道癯仙人問言盡日說空有
一朝興入廬山春香爐峰高虎溪遠石上秋深長苔蘚
白蓮不老秋月明萬里浮雲自舒卷

華翥

以玉山亭館分題得玉山佳處

我聞玉山最佳處翠竹高梧夾行路陰陰石洞響流泉
歷歷青山隔春霧草堂窈窕煙水西楊柳漠漠鳴黃鸝
花間委珮仙客集水上清唱漁舟迷巖頭桂子飄金屑
石上芝雲白於雪何曾夢入小遊仙長夜持竿釣明月
御選元詩

卷三

黃文德

華翥

王鑑

九

王鑑

喬宜中邀看杏花再和宜中劉禹疇韻

朱闌曲徑春光好一樹杏花開獨早枝頭無處着風流
時有幽香暗相惱畫堂簾影晝娉姿佇看嬌姿紅映縞
芳心欲吐半含羞脉脉春愁倩誰掃飛來翠鳥更多情
斜立花枝如畫藁主人留客客盡歡暢飲高歌各傾倒
明朝迴首綠陰濃惆悵殘紅藉芳草

余日強

奉同鐵笛相公賦王粲登樓圖

建安文章應劉陳通悅亦有王公孫長安西行白日匿
漢陽人依劉俊君漢陽偷安無遠畧王孫坐覺荊州窄
英雄固當擇所歸作掾終慙座上客北風蕭蕭吹素心
北望杳隔荆山岑魏官牽車出關遠銅華蝕風驚春深
秋來滿眼生禾黍江山重感非吾土憑軒作賦抑何心
猶是黃初非典午君不見當時奴視賣履翁矯矯文舉
真如龍

陸景龍

雪溪翁山居圖

山林之幽樂且閑何人卜居雲半間草樓高出蒼樹杪

御選元詩

卷三

余日強

陸景龍

邾經

二

石梁斜壓清溪灣循溪隱隱穿細路斷岸疎林接煙霧
微茫萬頃白連天雁陣鳧羣落無數樵歌初斷漁唱幽
沙頭人卧竹葉舟青山數點西日下渺渺一片江南秋
我昔苔溪問清隱溪上分明如此景別來時或在夢思
忽見此圖爲心醒錢翁少年善丹青晚歲筆意含英靈
興來漫臨北苑畫妙入毫末窮杳冥無聲詩與有聲畫
翁能兼之奪造化詞林諸老富品題一紙千金重光價
應君持此索我詩愧乏瓊玖答贈之臨風展玩三太息
寧不爲動蓴鱸思我今借屋湖山裏恍惚風煙無乃似
擬將三尺白剡藤試煩東隣雪篷子

雪篷陳元昭號

邾經

爲張藻仲題高文壁畫抱琴圖

并序

至正乙巳歲二月未盡三日藻仲張君宣奉青衣
相君命載酒訪余華亭以三月始禁酤乃留縱飲
上巳日抵余草堂過高文壁翼日高君寫抱琴圖
以贈藻仲余爲賦詩

聽鶴亭前春澹沱宿雨猶含百花妥已愁三月酒船空
宣也抱琴能覓我爲言來自青衣洞載得官膠滿書舸
青衣仙人期遠遊紫鸞將車尚虛左老夫久矣厭芻豢
從之欲乞丹砂顆孰云仙珮不可攀洞天茫茫雲久鎖
祇緣酤禁日以迫爾尊我壘視猶夥便須秉燭夜相繼
過此將無生酒禍老夫自適無何鄉故不飲醇今亦頗

御選元詩

卷三

郭經

三

阮宣杖頭每獨挂陶令紗巾不曾裹三泖平分碧玉壺
九峯半落芙蓉朶從人拍手笑醉翁寫入新圖無不可
何爲高壁忘我形只畫張宣遺么麼宣也亦復頽而瘠
畫作修髯知則那想當下筆天機精夢蝶軒中盤礴羸
不畫鄰甕吏部縛不圖醉錫劉伶荷爲寫抱琴山水間
意者於吾猶未果壁也山林同此情自惜老夫身嬾惰
宣乎豈是王門伶聊復塵中客裾拖朱紘清廟爾當薦
金馬朝登夕青瑣百年禮樂崩且壞誰其興諸悲埵軻
鍾期伯牙寧復遭餘子眼中螟與羸高君宿昔號酒狂
過肆相牽傾白甕自經喪亂賴酒活今則禁之何釜俶
便攜張生入山去石上彈琴松下坐松肪釀熟中山醪

商顏采芝當蔬菰生不我留呼酒查望入雲漢星侈哆
莫過牽牛談世事但恐笑人如驚跛吾嗟高君真不凡
遊戲丹青出兵火後天有約最尋真可能同鼓蓬萊柁

舒頌

竹谿書室圖爲黃克文題

清谿谿上竹無數愛竹移家竹林住階前老竹鏗玉聲
秋夜讀書露竹露書聲繞屋雜竹聲竹色侵書助書趣
竹根箇箇長龍孫竹上鸞皇亦來聚有時攜琴倚竹彈
兩袖清陰分竹翠雲梢月榦竹弄影杖竹尋詩過橋去
平生性癖亦愛竹不問主人造竹所君不見一筇投陂
忽變化萬卷蟠胸勝插架

御選元詩

卷三

郝經

舒頌

三

題海寧吳筠軒山水窠木卷

世間名士多愛竹爲愛扶疎伴幽獨虚心直節傲雪霜
盡日相看看不足松蘿山下延陵裔自號筠軒詠淇澳
明窓淨几泚霜毫煖日晴風弄蒼玉有時乘興寫山水
復貌時人眞面目一丘一壑胸次奇萬貌萬形心匠蓄
瀟瀟灑灑聲秋軒瑟瑟琅琅撼昏屋我家昔寓湘江濱
此君與我情最親別來廿載世離亂蹤跡萍梗無音塵
適與筠軒偶相見一笑袖拂松蘿昏怡然贈我一幅畫
滄江萬頃波粼粼遠岫雲開虎嘯月疎林霜落鴻來賓
抱琴疑是林和靖谷口又類鄭子眞扁舟蕩漾空闊際
蘆花兩岸紛續續感子高情寫幽趣世無管鮑行跋踈

明朝漁翁約我度谿曲彷彿又似桃源人

許子仁相招山中叙話

許君邀我來山中我來但見堂戶空主人送客過谿去
風吹兩岸花濛濛屋後萬疊金芙蓉紫氣夜吐仙人宮
澗泉流香過白鹿林木挂雨拖青虹羨君築室讀其下
迢遙不與世俗通一聲黃鳥破幽夢四顧空牖俱玲瓏
我愛此地無暑氣重來飽飯談仙蹤

雨

黑雲壓天殷其雷白雨如注西南來於時我方高枕卧
池上菡萏花初開從渠雷昏與霧暗推起篷窓時一看
頃刻陰霾盡掃除幸免衝隄及破岸天風不來如鏡平
御選元詩
卷三
舒頤
舒遜
一輪明月海底生

送莘鄉丘克明

楊柳磯燕子飛江西倦客江東歸蘆芽出水鰕魚肥君
今歸去是邪非聞君疾未相識漫浪贈言恐無益新豐
斗酒何日逢人生意氣無南北喜津津去宜春鶯花滿
路娛歸人君不見都門冠蓋都憂惱拄杖故園風日好

舒遜

重九日

去年登高靈山顛新詩醉寫秋風前金杯酒泛紫萸滑
烏紗帽插黃花偏今年瀟瀟坐風雨回首往事心茫然
青山當戶爲故友白髮兄弟羅酒筵丹楓染霜明秋色

白雁叫雲橫暮天醉窮老眼浩無際賸欲乘風遊八埏
題秋江圖爲黃友仁賦

老樹槎牙石巖從隔岸人家紫煙重長江蒼茫日夜浮
天塹西來雲影動駕風上水誰家船片帆高颺孤雲邊
林下伊誰襍穢子抱琴應訪草堂仙毫端遠勢莫與比
巴陵洞庭秋色裏莫是當年顧虎頭寫出滄洲千萬里
周霆震

喜雪

并序

庚子臘月初旬雪再作十九日大雪至二十一日
彌甚深可數尺三日乃止辛丑元日蚤起雪塞門
十三日夜半又雪皆平地尺深喜而賦之

御選元詩

卷三

舒遜

周霆震

十四

殘年新春凍不開大雪五度漫空來南州病熱已十載
造化有此真奇哉夜聞朔風撼天柱恍惚萬馬隨奔雷
乾坤正氣有先至密運亭毒茲其媒雲旗乍翻搖若水
壽霜却卷飛龍堆女媧廢煉深縮手河伯失據俄驚駭
元冥振轡祝融遁怒勢欲遣昆岡摧卧龍潛蛟起奔走
舞鶴翔鳳爭徘徊瑤池觴罷酒餘瀝漢臯相贈投瓊瑰
蒼山一夕頭盡白貧戶得句侵晨推朱門豈必異衡宇
埋沒弱柳餘枯梅我疑真宰偶戲劇往往玩世如嬰孩
故將空色種天上大巧六出無根芟要令六合反混沌
寧許萬家蒙塵埃兆豐呈瑞悉餘事解后淨洗昆明灰
西流壺嶠應自反咫尺清淺移蓬萊內廷稱賀論邊事

坐想敕使傳宣催蔡州鵝池久安堵整頓宇宙須雄才
涓人自昔負高見遠去求馬何時回燕山從爾深一丈
埽地爲築黃金臺

朱希晦

客邸中秋對月

去年中秋秋月圓浩歌對酒清無眠煙霏滅盡人境寂
仰看明月懸中天今年客裏中秋月靜挹金波更清絕
可憐有月客無酒不照歡娛照離別衣闌浙浙西風涼
月中老桂吹天香悠然長嘯動歸興坐久零露沾衣裳
浮世悲歡何足數庾樓赤壁俱塵土風流已往明月來
山色江聲自今古

御選元詩

卷三十一

周震震

朱希晦

吳哲

三

簡子文林訓導

東風落盡辛夷花遙憶美人天一涯美人久別音信杳
想見只今霜鬢華山房幽深市囂遠白日枕書眠碧霞
崖高瀑布灑晴雪淨筦石鼎烹春茶平生青紫不挂眼
榮名絆人安足誇當年我來訪遺跡拄杖看雲著雙屐
玉簫吹斷鳳不來但見千峰倚天碧臺前日夜溪水流
金星光動溪中石脫身擬欲恣幽棲坐占瓊臺煉金液
衰年悞墮塵網中齒豁頭童竟何益

吳哲

過裏洋河

裏洋河何湯湯奔流百折到瀧岡砂磯灣灣里路長船

頭照見落日黃愁雲低沒雙鳧翔檣烏孤征心徬徨遙
空半作明月光涼風忽來吹我裳荻花夜白含清霜裏
洋河思故鄉

鄭洪

題春江送別圖

西陵渡口山日出蘆芽青青柳枝碧龕山赭山潮東來
黃郎刺船水如席勸君勸君遲渡江柳條貫魚鱗尾雙
治魚沽酒待明月人生莫作輕離別

題張士厚四時士女四首

繡簾壓地花陰陰鳳釵綰雙黃金飛絲千尺不墮地
絕似江南遊子心寶奩百刻煙如縷暗擲金錢卜神女
御選元詩

卷三

吳哲

鄭洪

徐淮

三

櫻桃子熟人未歸鹿蔥花開淚如雨
金盆沐曉蟠雙鴉綠紅粉汗霑蟬紗金刀取玉薄於紙
渴心欲死東陵瓜木蘭艇子沙棠楫采蓮得花棄荷葉
荷葉輕如薄倖兒蓮花酷似多情妾

梧桐月小蟾蜍蟄芙蓉露冷銅山泣金粟香懸十二闌
鞞羅塵沁莓苔涵畫屏絳燭煙未消夜深恨殺雙鸞簫
喚回金屋鴛鴦夢不到銀河烏鵲橋

霜蟾弄影窺金屋么鳳吹香絢銀燭繡羅小鞞感雙蓮
翠袖垂肩倚孤竹紅綿凍折水如車寒衣遞到長風沙
莫遣朝雲妒桃葉寄將春信與梅花

徐淮

借劉景玉周元浩攜小妓遊於坡上忘形劇飲
故賦此

馬如遊龍車若水劉郎周郎玉相倚柔風暖日故蒸春
紫燕黃鸝自相語先生染筆寫烏絲美人持杯唱金縷
醉來爲愛落花多急掃蒼苔坐紅雨

葉顥

登九龍山訪孝標遺跡月下飲酒

杖藜扶我登九龍輕鞵短袂隨天風九龍飛去幾千載
雲閒秋老青山空孝標先生骨應朽清名與山同始終
荒煙衰草迷古洞惟有皎皎栖青楓酒邊半醉弄明月
月光忽落杯酒中舉杯歡笑和月吸清光散入胸次照
御選元詩

卷三

徐淮

葉顥

三

我突兀磊硯之孤衷平生所蘊剛毅氣洞然明白無隱
容信知古人嗜好不在酒愛其果能助發英銳之志醞
釀麴蘖之奇功興懷不盡下山去明月又在天南東

金華尉趙德夫祈雨有感

陽烏赫赫明高穹火雲不雨天西東晴波渴飲千丈虹
嘉穀槁死生蝨蟲金華趙宰亦憫農陳詞涕泣呼天公
食天之祿因農功視農不救寧爲忠下人無罪天所容
願以斯責歸微躬志誠直通龍伯官須臾遣出雙玉龍
利爪排空怒且雄阿香推車海若從鞭雲駕雨隨天風
下與世人爲年豐要令飢旅顏回童少焉雲散天宇空
神龍却歸潭水中廟閑山空鼓鼗鼗

春雪

百花憔悴東風寒
六花爛漫開正繁
東君似欲誇富貴
瓊臺玉榭真珠闌
綠楊無力晴拋絮
青松不老雲生樹
貪觀天女跨鸞歸
失却仙人騎鶴處
斜斜整整復霏霏
却憶銜枚入蔡圍
奇功未立英雄老
壯志雖存氣力衰
酒酣舞劍情難歇
指點銀瓶莫教竭
醉中猶自憶當時
鵝鴨城邊一池月

劉養晦

王氏招飲席中有感

憶昔至正全盛時
朱門豪家多亭池
池邊女兒縱遊賞
新妝照水明玻璃
春風淡挹芙蓉渠
黃鶯嬌轉垂楊枝

御選元詩

卷三三

葉顥

劉養晦

郭鈺

元

整日歡聲無暫歇
攜手花間撲蝴蝶
曉吹龍管迎香風
晚酌金壘邀夜月
珠簾繡幕花艷麗
畫閣朱樓紅地罽
日長無事教鸚鵡
象牙鏤馬閑樺捕
豈知人事忽更變
瓦礫荒蕪人不見
繁華一去杳難留
空有閑花飛片片
君起舞我當歌
玉堂夜夜客鳴珂
人生在世若大夢
吁嗟易老成蹉跎
青春去矣難再過
美人如花不長好
黃金白壁徒云多

郭鈺

題郭伯澄西崦山居

白日上東山
晴光射西崦
西崦山人開曉關
一襟煖翠濃如染
門前流水玉虹明
樹上啼鶯金羽輕
自埽落花

客初到共題脩竹詩先成十載戰塵迷道路西崦只今
成久住移竹春深長子孫種梅晚歲爲賓主丈夫揚眉
天地間山林朝市俱等閑出爲公卿入爲士古人高節
非難攀聞君近年深閉戶烏帽青燈讀書苦劒寒新淬
冰雪光松老終無棟梁具西崦山深竹徑微我來欲共
薜蘿衣一朝富貴逼君去燕雀空羨冥鴻飛

貽郭恒

月懸松露明鷓啼浦煙破遙想山中人此時正思我我
行忽隴滄江邊度盡春風無一錢向來自是釣鰲客至
今思拍洪崖肩洪崖不可招蓬萊在何處鋪遍閑愁芳
草路千樹綠陰晝如雨錦字書成人不來銀燭花殘誰
御選元詩

卷三

郭恒

五

黃氏容安樓

君家高樓高百尺樓間把酒無虛日極目欲窮千里心
誰謂區區僅容膝卷簾半空雲氣入孤鶴長鳴楚天碧
醉拍闌干呼月來萬壑松風夜吹笛天上玉京十二樓
羣仙不帶人間愁曉飛霞佩來相訪攜我共作丹丘遊
今日之日君我留爲君題詩樓上頭笑指樓前大江水
古今人物共風流

賦清溪

清溪之水抱幽谷盤渦細浪相逐感半篙晴日蕩金鱗

一帶秋煙溜寒玉溪上仙翁絕塵俗開門俯溪飲溪綠
白鳥飛來明鏡中垂楊鎖斷闌干曲窈窕春花亞修竹
修竹何人共碁局紫蘿爲蓋草爲褥如輞川圖懸一幅
嗟我早年厭羈束五湖風月醉心目祇今是處沸鯨波
把釣從君事亦足

滄洲灌夫詩爲周子諒賦

往來曾踏滄洲路滄洲仙人留我住紫霞裁剪成春衣
到今挂在珊瑚樹十載人間走塵霧惟愛周郎讀書處
雲氣寒深連竹松江波晴漲搖窓戶清曉中庭遺鶴羽
太乙青藜夜相語晚菘春韭東西畦烏啼桑陰日當午
浦雲分送疎疎雨抱甕歸來不知苦嗟我已負滄洲期
御選元詩

卷三

郭銍

三

羨君獨得滄洲趣江山今古武陵源姓名伯仲蘇公圃
畦外有田多種黍長使糟床壓香醕招隱先須招我來
到門不用分賓主

桐江宴集和周子諒韻

岸巾長嘯吾與君讓君筆力飛春雲蒹葭枯折吳江漬
芝蘭却許濃香熏今夕何夕歌聲聞江山重到吾已老
慙愧詩成瘦如鳥坐中少年美詞藻琪樹交花照晴昊
懷抱一時盡傾倒玉瓶行酒杯如飛爭雄得雋酒滿衣
持觥御史令莫違斫魚烹雁頤指揮荊州吾土還相依
江上雲荒月欲爛客囊空貯閑愁滿不謂相逢重展轉
交情豈必論深淺黃鶴一飛天地遠

題蕭質所藏終南雪霽圖

玉龍銜燭晴光吐怪底空檐響殘雨南山一夜服還丹
滄浪之髭總如故公子昨朝愁出戶錦袍圍春醉歌舞
赤脚老樵拾斷薪畫史何由得深趣早梅回煖動精神
凍雀翻叢動毛羽筆端生意開紈素恍然不計寒宵苦
泥滑迢迢江上路行客茅檐不少住世間捷徑渺何許
已有扁舟候江汭隔浦長橋似灞陵何如著我騎驢去
黑貂擁醉詩思多明日歸來爲君賦

劉永之

爲潘仲暈題定使君所贈馬郎中畫鶴

郎中畫鶴稱第一江海十年多見之蘭臯明月照獨舞

御選元詩

卷三

郭鍾

劉永之

三

雪影參差風倒吹蒼江元圃三山上琪樹金芝日應長
萬里懷歸惜羽毛中宵怨別流孤響通泉素碧久漂零
忽見新圖百感并華亭舊歎傷心切赤辟扁舟入夢驚
綠錦池邊飼秋雨蹀騎多情每同賦相思欲報故人知
爲傳一札東飛去

田園幽隱圖

我家清江縣城北竹梁花埭環深宅鄰屋分燈夜讀書
仙山借鹿春耕石蹤跡年來逐轉蓬萬事驚心舊業空
無錢買山唯愛畫坐對新圖如夢中柴門茂樹森相向
野水山橋接空曠雨足沙田野犢閒風回茅屋晨雞唱
隔林炊黍起新煙接竹穿籬引澗泉傍隄榆柳皆新種

近舍柘枝不記年，山深住久疎城府。人情頗訝今非古，酒熟頻開白社尊。家貧時賣黃公履，邇者中原相犄角。錦袍白馬相馳逐，得失俱隨去水流。至今猶記王官谷。

劉宗海爲余作清江春雨碧嶂秋嵐二圖賦此贈之

劉君早年善山水，得意往往圖樵漁。西昌城西一相見，忽然贈我雙畫圖。圖中似是清江曲，春雨蒼茫汀樹綠。煙中髣髴辨飛帆，水際依稀見茅屋。漁郎繫船江石上，一夜磯頭水新長。孤村日暮煙火微，渡口歸人暝猶往。碧嶂層巒翠轉奇，嵐光秀色含朝暉。風林落葉洒青壁，雲壑流泉生翠微。我昔結廬此山裏，每愛秋嵐淨如洗。御選元詩

卷三

劉永之

三

題傅商翁觀松瀑圖

經年奔走厭風塵，偶看新圖心獨喜。憑君添我小綸巾，明當歸埽山中雲。他日君來一相訪，松根爲子開柴門。

山風蕭蕭晝寂歷，長松落落倚絕壁。紫煙乍留青巘中，瀑布迸落蒼厓石。山中之人形骨清，幅巾藜杖時獨行。溪回陡絕去無路，坐撫瑤琴摸劒聲。我亦平生慕真賞，十年誤落江湖上。故山蕭條久不歸，夜雨秋衾夢常往。人生適意無是非，雲林久與幽人期。九節預栽青竹杖，明朝試拂薜蘿衣。

送羅與敬歸西昌

石龍磯畔多芳草，遊子憶家春已老。水北楊花撲地飛。

旁人謾道飛花好愛子不忍別送子到水濱清天孤影
飛黃鶻落日長風吹斷雲朝發銅塘津暮宿青泥渡帆
過孝通祠漸是西昌路金魚洲遠樹青青三顧浮煙生
杳冥石扶壞道通高閣水齧危沙見古城君家正在何
方住獨有園廬俯江渚昨夜深閨夢遠人相思定倚櫻
桃樹

醉贈何能舉

與子十年不相遇豈意今日重逢君狂歌痛飲自我輩
世間俗子徒紛紛林木蕭疎濕秋雨蹇驢嬾渡溪橋水
咫尺西風隔白雲羣仙環珮月中聞重陽好約冰壺子
同入仙源避世人

御選元詩

卷三

劉永之

三

御選元詩卷第三十二

